

Deum spiritus spirituale vel corporale? Deum est modo spirituum

vel. — Deum spiritum ad dispositionem spiritus.

in Computare notum in spiritum melius est saluti: uae, melius.

spiritus melius, vel grauis mali: uae, melius.

spiritus nonis oculatus et non libere.

spiritus nonis exterioribus, et interioribus non habet proprium

spiritus, melius de illis?

spiritus nonis habet contrarium videtur spiritum nota, et

spiritus marketibus sic claudendo Deum.

spiritus spiritibus nonis etiam castitatis ad eorum

spiritus est spiritus et non contradicendo?

spiritus, et in illis, dispensare et iuxta Paroy, per eorum

spiritus inuoluntaria, eorum etiam natura, nota, spiritus

conuersatione nonis

spiritus nonis in nota castitatis, dispensatione in parte

spiritus nonis et eorum spiritus?

spiritus nonis, et eorum in parte et



Cherzy, porwanych, khoruy  
i takoy nieprawdy prymiti

Cherzy adkarsajeri porwanych,  
khoruy sabie jakgo nie prawnosi  
wajpiti, teraz gwałtem ysmierowia  
za nim, aruby kary smierci nie byt  
kerany

M. X. 74.

Handwritten signature and text, including the name "Wladimir" and other illegible words.

Vertical handwritten text on the right side of the page, possibly a marginal note or a separate entry.

(4)

DISPUTATIO MEDICA  
DE  
ASCITE,

Quam  
Favente Deo O. M.  
*Consensu Amplissimæ Facultatis  
Medicæ*

Pro Receptione in Eandem  
Publico *φιλιδεσμων* examini  
sistit

GEORGIUS *Rast* / Med. D.

Respondente  
MATTHÆO NEUMANN, Med. C.

Ad Diem Septembr. in Auditorio  
Majori, horis solitis.

---

REGIOMONTI,

Typis FRIDERICI REUSNERI, SER. ELECT.  
BRAND. ETACAD. TYPOGR. HERED.  
ANNO M DC LXXIX.

RESERVATION

DE

1850

1850

1850

1850

1850

1850

1850

1850

1850

1850

I. N. J.  
DISPUTATIO MEDICA  
DE ASCITE.

§. I.



*M*nis, qua à ratione suscipitur de aliquâ re Insti-  
tutio, debet à Definitione proficisci, ut intelli-  
gatur, quid sit id, de quo disputatur, vetus est  
sententia Ciceronis *Lib. 1. de Offic.* Itaq; & Nos  
Opellas nostras hinc auspicabimur, ASCITEN  
definientes, quod sit tumor aquosus abdominis  
à retentione humorum collectorum, vicio vi-  
scerum humores aquosos non ritè seperantium & excrementium,  
proveniens.

§. II.

Definitum, Ascites, origine est vox Græca, dicta *ἀπὸ τῆς ἀούτης*,  
ab *Utre*, quod utris in modum, teste Galeno *IV. Aph. II.* venter  
inferior ab aquâ inter cutem distendatur & intumescat: vel, quod  
percussus venter in morem Utris aquâ semipleni resonet, ex men-  
te Valleriolæ *Lib. 5. Obs. 5.*, undè & *morbis utricularis* vocatur  
Jachino in *Lib. 9. Rhas. comment. 52.*, & *hydrops utricularis*  
Auctori *Definitionum Medicarum Galeno adscriptarum p. m. 94.*  
Observavit tamen Dodon. *Lib. 2. Prax. cap. 66.* vocem *ἀούτης*  
apud Græcos etiam corpus humanum seu vivum seu mortuum  
significare & præcipuè Abdomen, seu ventrem, quem Celsus  
passim uterum (nisi forte utrem scripserit) appellare solet, ut ita  
Ascites reduci possit ad illos affectus, qui à parte læsâ nomen  
fortiuntur suum.

§. III.

Generis loco positus est Tumor. Tumorem quippè esse  
nemo facile negaverit, cum viderit excessum in magnitudine p. n.  
auctâ. Tumorem esse aquosum, dum addimus, excludimus  
alia tumorum genera, quorum variæ differentiæ dantur, ut videri  
potest apud Galenum *Lib. de Tum. p. n.*

A 2

§. IV

Vox Abdominis subjectum seu Receptaculum causæ Continentis, colluviei sc. serosæ, indigitat, hoc enim primum tumere deprehenditur, estq; ea corporis nostri regio, quæ Diaphragmate, ossibus pubis, coxendicis & sacro, lumborum vertebri atq; costis spuriis utrinq; circumscribitur; Quamvis progressu temporis partes quoq; vicinæ, scrotum sc., femora, genua & pedes intumescere etiam soleant. Avicenna inter *Ziphac* & *Zirbum*, Peritonæum & Omentum, Veslingius *syntagm. anat. cap. 2.* inter duplicem peritonæi tunicam humorem hunc colligi putant. Veslingii sententiam observatione singulari comprobat Tulpius *Lib. 4. Obs. 43.* de muliere no. 11. aquæ hic continente. Bartholinus *Cent. 4. hist. 25.* notavit colluviem aquarum inter peritonæum & membranam quandam densiorem protensam ab osse Xiphoidæ ad ingvina usq; , universum inferiorem ventrem tegentem Martin. Bogdan. *Observationum. T. h. Bartholino transcriptarum.* XI. inter abdominis musculorum tunicam & peritonæum Aretæus *Lib. 2. τὸν χεγνίον cap. 1.* vesicularum aquâ repletarum, & numerosâ sobole in abdominis cavitate collectarum meminit; undè Sennertus *Med. Pr. 3. part. 6. sect. 2. cap 3.* aquam scribit interdum non in cavitate abdominis, sed vesicis quibusdam partibus ventris inferioris adnatis includi. Talem Ascitæ speciem notavit Rolfinc. *Epit. meth. cogn. & cur. particul. corp. affect. Lib. 3. cap. 9.* & Horstius *Lib. 9. Obs. 7.*, qui eam memorabili etiâ historiâ ex Cordæo depromptâ illustravit. Hippocrati quoq; notam jam fuisse constat ex *Lib. de intern. affection. XXV. 9.* Quamvis vesiculas has, *hydatides* Medicis dictas, idem quod hydropem esse concedere nolit Kerckringius *Obs. anat. 10.*; licet largiatur, sæpè causas ejus esse posse; Ex hydatidibus enim fieri hydropem, & quidem tunc, quando rumpuntur; confirmat sententiam suam, *se variis dicens in locis, hydatides reperisse, ad dextrum nimirum testiculum puella sex mensium, in plexu cho-roidæ, ad venas in Parenchymate hepatis, nonnunquam ad arterias, quas tamen hydropes istarum partium nemo facillè diceret.*

Nos, quicquid hujus sit, omnem abdominis cavitationem ab aqua occupari eandem etiam ad scrotum & pedes descendere *autovisca* comprobatum novimus.

§. V.

Cur verò frequentius in abdominis, quam in ceteris corporis nostri cavitationibus aqua colligatur, Hieron. Capivacc. *Lib. 3. Pr. cap. 19.* tres reddidit causas. (1) Imbecillitatem partium Abdominis. (2) Propinquitatem partis affectæ (quam hepar esse putat) (3) Minus detrimentum. Addiderunt alii numerosam arteriarum atq; venarum sobolem nullibatam copiosè quam hic luxuriantem, ad quam, cum serosus humor suâ gravitate vergit, quantitate vel qualitate molestus, eum oscula vasorum facillimè referare vel tunicis eorum distentis atq; laxatis copiosè in Abdominis cavitationem destillare. Nobis probabilior videtur hæc rei hujus ratio: quod, quia in abdominis regione continentur organa segregationi & excretioni humorum à naturâ dicata, v. g. Hepar, lien, pancreas, venæ & arteriæ emulgentes, renes, ureteres, vesica urinaria, vasa item lymphatica, hæc partes vel obstructæ, vel alio correptæ vitio, officio suo non satagentes, a quam inibi redundare faciant.

§. VI.

Ex his haud obscure colligi quoq; potest, cujus præcipuè partis vitio hic humor in infimo ventre confluat; quâ de re cum tot prostent apud Artis Medicæ Antistites diversa judicia, certè non minimæ esse difficultatis putamus, rem acu hic tangere velle. Hepar, ut erat quondam maximæ dignitatis viscus, dum sanguinem credebatur conficere, & per venas alimentum distribuere; ita plurimos quoq; Veterum in hanc opinionem transversos rapuit, quasi haud quaquam fieri posset hydrops, nisi hepar fuerit affectum; inter cujus opinionis defensores eminent Galenus *V. de Loc. Aff. cap. 7. VI. de Loc. Aff. cap. 1.* & Aëtius *Tetrab. 3. serm. 2. cap. 20.* Quamvis & hi non semper necessarium judicârunt, ut per essentiam in omni hydrope jecur afficeretur, principio affectionis in ipso existente, verum sufficere, si per consensum aliarum partium patiat. Rem secus se habere plurimum hoc morbo de-

functorum Anatomia manifestò declararunt, dissectis hydro-  
piorum cadaveribus hepar sæpè inculpatum monstrantes, vid.  
Barthol. Cent. 1. Hist. anatom. 2, Horst. Lib. XI. Obs. 5. Plater. Obs.  
lib. 3. Helmont: Tr. Ignotus Hydrops. 11. si tamen corruptum  
non nunquam inventum est, factum id potius est putandum ab  
aquâ putridâ in abdomine prius collectâ & aliquandiu ibidem re-  
servatâ. Hipocrates præter hepar lienem accusat t. de Morb. Mulier  
LXXXVII. 11. & Lib IV. de Morb. XXXIII. 6. Prognost. VIII. 3.  
alias adhuc insinuat partes, dum, ἀρχονταί, inquit, οἱ πλείους  
ἀπὸ τῶν νεφῶν, καὶ τῆς ὀσφύος, οἷός δὲ ἀπὸ τῆς ἥπατος, incipiunt,  
pleriq; hydrotes à laterum mollitudine, & à lumbis, aliqui vero  
etiam ab hepate; ubi Rolfinkcio Commentatore Epir. method.  
cogn. Scur. affect. partic. Lib. III. cap. 9. per nomen τῆς ὀσφύος  
intelliguntur vene, per τῆς νεφῶν, lien, mesenterium, uterus,  
Coac. Prænot, 276. meminit tantùm τῶν νεφῶν καὶ ἥπατος,  
laterum mollitudinis & Hepatis. Neotericorum non pauci, quos  
inter Cl. Rolfinkcius Epir. meth. medend. affect. partic. Lib. III. cap.  
9. cor ejusq; vitiatam sangyificationem inculcant; verum & horum  
sententiæ subscribere nondum possumus, cum hætenus nobis non  
licuerit esse aded felicibus, ut cor in hydroptico læsum à quopiam  
adinventum & observatum legerimus; meminit quidem Platerus  
Obs. Lib. 3. p. m. 597. Adolescentis Ascitici, in cujus dissecti cordis  
medio os tribus articulis constans, cavum, & arenosâ quadam  
materia repletum fuerit inventum, simul tamen addit, hepatis, li-  
enis, renumq; vitia Asciticis Consueta adfuisse, quibus dubio pro-  
cul culpa omnis accepta ferenda, non verò affecto talitèr cordi.  
Neq; etiam videmus, quâ ratione obtineri queat ex solâ genera-  
tione humorum aquosorum oriri Ascitem posse, quia omnes hi  
humores, quamvis aliquot eorum generarentur amphoræ, si mo-  
dò ritè fungantur officio suo partes excretoriæ, peracta separatio-  
ne excernerentur. atq; ita Ascites præcaveretur. Lucem foenerari  
sententiæ huic potest Monialis cujus meminit Dygbæus Tr. de  
pulo. symp., quam penes licet in tantâ humor serosus colligeretur  
copiâ, ut quotidie ducentas fere libras aquæ per urinam excerneret,  
immunis tamen ab Ascite mansit solius largioris mictionis bene-  
ficio.



ficio. Hectici etiam, quorum carnes omnes sensim in humores liquantur, hydropici tamen non fiunt, quoniam vasa eorum excretoria humores hos tum per urinam copiosiore, tum diaphoresin continuam ejiciunt. Stat ergo sententia, non adeo viscera humorum generationi dicata, quam ea, quae humoribus aquosis separandis excernendisq; a natura destinata sunt, in culpam hic esse; Quod & ipse Galenus largitur *Lib. III. de Sympt. caus. cap. 2. renes*, inquit, *ubi serum amplius trahere non possunt, in ventrem mittunt & toti corpori id partientes subitaneos hydropis status producant.*

§. VII.

Causa molestissimi affectus proxima & continens est humoris aquosi copia, abdominis cavitatem praeter naturam Leges replens, dum nimirum vitiatas vias, ejus excretionem dicatis, licet etiam non adeo magnus ipsius fuerit proventus, ob denegatam tamen evacuationem sensim atq; sensim in abdomine cumulatur. Non tamen omnino exclusos hic volumus flatum, ut qui ad ventris distensionem suam quoq; conferunt symbolam, cum, ut bene monet Sennertus *Lib. III. Pr. Medic. part. 6. sect. 2. cap. 3.* & Hofmannus *Institut. Med. lib. III. cap. 27. nunquam Ascites sit sine flatibus, nec Tympanites sine aqua, sed invicem semper misceantur haec materia: Denominationem autem Affectum sortiari ab illa, quae quantitate excedit & Dominium tenet.*

§. III.

Viae, per quas in abdominis cavum humor penetret, esse queunt vasa sangvifera per omentum mesenteriumq; dispersa, imò & ipsa lactea lymphaticaque quae ex mente Willisii *Pharmaceut. Ration. part. 2. Sect. 2. cap. 3. p. n. 157. ait, quod juxta origines suas obstructa, vel compressa, humorem*, (qui per arterias unam cum sanguine ad partes delatus erat & nutritioni non necessarius per lymphæ ductus ad excretoria viscera deferri debebat) *non excipiunt, aut circa medietates aut fines disrupta, eum in aqualiculum profundunt.* Transitum aquis his quandoq; concedunt etiam membranae hepatis in hydatides saepe fatiscantis raritas aut ruptio; Renum  
item

item & uræterum exulcerationes ac erosiones, ut videre est apud  
Platerum. *Obs. lib. III. p. m. 601.*

§. IX.

Causa mediata proximiores, in quarum nimirum potestate est corpus humanum de statu naturali præcipitare in præternaturalem, quæq; ad collectionem serosi humoris faciunt, sunt. (1.) Intemperies secundum multos frigida, nonnullos calida. Magnæ hic Medicos inter disceptationes, dum quidam pro calida, quidam pro frigida mordicus pugnant, ut videre est apud Horstium *Probl. Ἰεγαπρωβ. dec. 7. quest. 7.* Hoffmann. *Institut. Med. lib. III. cap. 67. §. 7.* Nos & calidam & frigidam ad Ascitæ productionem quid conferre judicamus, quatenus sc. intemperies hæ excretoriorum organorum *νεφρον* pessundant & ad officium suum reddunt inepta. (2.) Mala viscerum conformatio, dum meatus, per quos aqueus humor transire debet, obstruuntur, vel comprimuntur. (3.) Unitas soluta vel per ulcus vel rupturam vel vulnus facta.

§. X.

Causas Mediatas remotiores ex **Rebus Naturalibus** quidam agnoscunt ætatem certam certumq; sexum. Ita nonnulli viros frequentius affligi hoc morbo asserunt, quidam contra foeminas: Ætatem nonnulli insimulant, dum alii adolescentis, alii consistentis, alii senilis ætatis homines magis in hunc affectum proclives dicunt. Nos nullum vel ætatis vel sexus ratione agnoscimus discrimen, sexui enim utriq; omni etiam ætati commune est malum, nec embryonibus quidem parcens.

§. XI.

**Ex Non Naturalibus** productioni Ascitæ favent (I.) Aër frigidus, multaq; exhalatione humescens, qualis ut plurimum est tempore Autumnali undè & Aphoristes *III. Aph. 22.* aquas inter cutem ad Autumnales morbos refert. Calidus aër hydropis etiam causa esse potest, in quantum calorem partium nativum dissolvit ac dissipat. (II.) Cibi potusq; frigidi & humidissimi usus frequentior. *Bibentibus palustres, stabiles & lacustris aquas*

*aquas hydropes sunt plurimi & lethalissimi, Oraculum est Coi de Aer. Aqu. & Loc. XI. (III.) Somnus & vigiliæ, quæ si excedant, ut ille corpus reddit torpidum, & excrementa vaporosa conservat, ita hæ Spiritus partiumq; corporis vires dissolvunt, cruditatesq; cumulant. (IV.) Motus & quies, immodica: hæc excrementa cumulando caloremq; innatum obtundendo; Ille, spiritus vitales exhauriendo. (V.) Excreta & Retenta non ritè se habentia. Retentio excernendorum, v. g. suppressio hæmorrhoidum in plethoricis periculum aquæ inter cutem minatur VI. *Aph. 12.* Sic legimus apud *Dion. Cassium* Trajanum Imperatorem ex retentione hæmorrhoidum hydropticum factum & mortuum. Confer *Forest. lib. XIX. Observat. 39. Plater. Obs. lib. 3. p. m. 612.* Excretio retinendorum mater sæpè hydropis: Ita ex *Hæmorrhagiâ narium* Schenckius *Observ. IX. lib. III. hæmorrhoidum,* Galenus *II. Facult. Nat. cap. 8. asciten* observarunt.*

#### XII.

Ex rebus Præternaturalibus, v. g. Febribus, *tertianâ & quartanâ,* Ascites observatus est *Langio Lib. 1. Epist. Obs. 48., Foresto lib. 19. Obs. 29, 30, Horstio lib. 4. Obs. 31. Ex causo Hippocrati VII. Epid. XIII. 9. Fr. de la Bœ Sylvio Id. Med. Pr. lib. I. cap. 17. §. 9. Ex Mensib9 suppressis Foresto lib. 19. Obs. 34. Ex mensi9 profluvio Riverio. Cent. III. Obs. 33. Helmont. Tr. Ignotus Hydrops. II. Ex Ithero Foresto lib. 19. Observ. 40. Tulpio lib. 2. Obs. Med. 36. Wilkiso Pharmaceut. Ration. part. 2. Sect. 2. cap. 3. p. m. 156. Ex Lue Venerea. B. Tim. von Guldentlee lib. 2. Epist. 15. Ex Dysenteria, VI. *Aph. 13.**

#### XIII.

Differentiæ eommodè petuntur (I.) ab ipso Genere in Definitione affectus nostri posito, *Tumore* sc., cujus ratione Ascites alius est minor, alius mediocris, alius maximus. Maximus dubio procul ille fuit, qui deprehensus est in duobus Rabbini, quos Neander in *Erotematibus S. Lingvæ Hebr.* ex Talmudistis adducit, quorum abdomina in tantam extenta fuisse molem scribunt, ut duo boves, si ventribus se invicem Rabbini isti tangerent, neminem attingendo transire potuerint; Nisi hyperbole hic subfit, fabulâs

bulas Judaicas sapiens. (II.) Ratione *Generationis*, alius lento  
 pede accedit, ac sensim sumit incrementa; alius subito invadit  
 (III.) Ratione *Durationis*, alius recens est, isq; adhuc in fieri  
 alius inveteratus ac jam in statu. (IV.) Ratione *Symptomatum*,  
 alius mitis, alius maximis doloribus stipatus; alius cum febre, ali-  
 us sine febre. (V.) Ratione *Subjecti*, alius universalis, qui to-  
 tam abdominis implèt cavitatem, alius particularis, quando in u-  
 no tantùm abdominis latere aqua interclusa reperitur, qualem no-  
 tavit Bartholinus *Hist. Anatom. Cent. I. Hist. 2.* (VI.) Ratione  
*Cause*, alius vitio renum, alius vaforum Lymphaticorum &c.  
 factus.

XIV.

Signa Ascitæ licet sint μέγιστα καὶ ῥῆσις ἰδεῖν καὶ ἡγεῖν καὶ εἰς  
 ἀνῶσται, nota maxima & visu & tactu & auditu facillima, ut A-  
 retæi sonant verba, paucis tamen & de his agere ordo à Medicis  
 receptus jubet. Et certè danda est opera sedula ut præsentia mor-  
 bi hujus exactè cognoscatur, ne nonnunquam tumorem prægnan-  
 tis pro hydropico curemus, cujus rei historiam lepidam recenset  
 Paulus Rencalmus *Obs. 146.*; imprimis, cum innuptis, compressu  
 gravidis, si abscondere se nequeunt & clam parere, familiare &  
 promptum sit, sese profiteri hydropicas, à quibus tamen differre,  
 deprehenduntur, quod hydropicis ad Diaphragma usq; tumor  
 protendatur, prægnantibus verò nunquam epigastricam regionem  
 occupet, nisi quandoq; in alterutrum tantum latus declinet; nul-  
 la quoq; ut in ascite, impressa retineat vestigia. Urinæ etiam  
 prægnantium rarò non sanæ aut sanorum proximæ sint, præsertim  
 juniorum; minimè verò tales Asciticarum: In Ascite quoq; flu-  
 ctuationes excitentur, & auditu facilè observentur, humore, qui  
 in abdomine veluti in ure quodam continetur, circumvoluto.  
 Præterea Ascites discernitur à *Tympanite*, quod hic venter percus-  
 sus tympani sono haud dissimilem edat, intestinaq; semper mur-  
 murent: ab *Anarsacâ*, quod hic totum corpus æqualiter intume-  
 scat, vestigiaq; impressorum digitorum aliquandiu servet, venter  
 verò non in adeò magnum tumorem excrescat. Tumorem ex  
 suppressione mensium ortum ab Ascite urina distinguit, quæ sup-  
 pressis

pressis mensibus copiosa & crassa mingitur, teste Hippocr. *I. Morb. Mul. IV. 8.* Hydropicis plerumq; pauca & rubra, nonnunquam etiam cruda & aquea. Comitantur insuper hunc morbum cibi fastidium, sitis inexplebilis, respiratio difficilis, tussis siccæ, raucedo, facies pallore sæda, tabes partium superiorum, scroti pedumq; tumor.

XV.

Prognosis suspecta hic semper & mali ominis formari solet. Omnium verò optimè de eventu affectus hujus judicabit, quicumq; ad constitutionem ægri morbiq; violentiam respexerit, viribus naturæ & morbi inter se comparatis. Quippè naturæ vires, si fuerint validæ & undequaq; constantes, ut facile contemnunt quodcumq; morbi genus, & in quantumvis magno affectu, securitatem tamen promittunt, ita & heic spem haud exiguam salutis & convalescentiæ spondebunt, *II. Aph. 33.* Quanto contra ab isto vigoris robore atq; tenore abscesserint longius, tantò abs suis morbis ægrotos passuros gravius & victum iri facilius, indicabunt. Constabunt autem naturæ vires ex ægri robore, juventute, respiratione liberâ; tussis, febris, & doloris absentia, corpore æqualiter tepidò neq; circa extrema colliquatò, nec diuturnis morbis attritò. Hoc modo ægro constituto, *ἐν ἐλπίδι ἔσαι περὶ γενέσθαι*, Spes erit, ut superstes evadat, *ὅς δὲ ἂν τῶν μὲν ἔχη, ἀλλὰ τὰ ἐναντία, ἀνέλπιστον εἶδέναι*, qui verò nihil horum habuerit, sed contraria, eum desperatum esse scito. Hippocr. *II. prædict. XI. 27, 28.*

XVI.

Atq; ita consideratis breviter, quæ ad affectus propositi naturam & cognitionem faciunt, restat ad ejus curationem, ut nos conferamus, innixi medendi methodo ex indicationibus dependente. Cumq; sublatâ causâ, effectus non difficulter cesset, omni machinâ erit incumbendum, ut (I.) Causa tumoris continens, Humor sc: serofus in cavo abdominis contentus, educatur. (II.) Antecedentes causæ, quarum vitio Serum in abdominis utero præter naturam confluit & colligitur, removeantur.

XVII.

Utrumq; obtineri poterit instrumentis auxiliorum ex usura-

tistribus fontibus, Chirurgico, Pharmaceutico, & Diætetico,  
depromptis.

XVIII.

Omnibus verò medicamentis efficacius auxilium Chirurgia cum præstet, teste Aetio *παραβιβ: III. Serm. 2. cap. 30.* ab ejus operationibus meritò etiam initium faciendum erit. A venæsectione verò parùm vel nihil levaminis in hoc affectu sperant plurimi; & licet veteres Medici sæpè venæsectionem celebrasse legantur, non tamen id in omnibus promiscuè individuis fecisse putandi sunt, sed tantùm in illis, quibus à suppressione aliquà sanguinis, cum naturæ levamine extra corpus effluere soliti, hydrops fuerit subortus. v. g. ex mensibus & hæmorrhoidibus subsistentibus. Ita locum quoq; haberet venæsectio, si quis morbus acutus, v. g. Pleuritis, Angina, &c. hydropem comitaretur. Sacrificationes plurimi quoq; rejiciunt, leve emolumentum has præstitisse experientià edocti; habet tamen duas historias Rolfinck. *Method. Med. spec. Comment. ως εν γέλει, lib. IV. Sect. IV. cap. 9.* de fatis felici scarificationis crurum successu, gloriantes. A vesicatoriis & cauteriis ut abstineamus, monent passim Practici; rationes, quibus persuasi, ea rejiciunt, collegit Rolfinceius *Method. medend. special. consultat. ως εν αίτέμω p. m. 795.* Peracentesin multi summis encomiis evehunt, in ejus legitimâ administratione unicam salutis spem certò consistere existimantes. Operatio hæc ut est antiquissima, quemadmodum patet ex Hippocr. *de Loc. in hom. XXXVI. 16. de Affection: XXII. 25. de intern. Affection: XXV. 25.* Ex Celso *Lib: 7. c. 15.* Ita omnes ferè recentiores & excellentiores Medici citò & intrepidè ut administretur *ὁμοίωμαδὸν* suadent. Nos eam, nisi spes affulgeat, debellari posse hoc malum levioribus auxiliis, magni quoq; facimus, tanquam præsentissimum remedium, modò circa administrationem ejus accuratè observentur, quæ habet Hippocr. *de intern. Affection: XXV. 27. & VI Epidem. VII. 62.* Operationis modum, ut & locum, qui pertundendus, licet brevissimè, accuratè tamen satis delinearunt Joh. van Horne *Museo p. 99. 100. 101. & Scultet. Arm. Chir. part. 1. Tab. 38. fig. 2.*

## XIX.

Pharmacia varia remedia juxta ordinariam vulgatamq; Medicinæ Praxin pro Hydragogis habita subministrat, evacuationem humorum per Catharsin, per Diuresin, per Diaphoresin, perq; insensilem transpirationem molientia.

## XX.

Catharsin *ἀνω* moliantur *Gummigutta*, *Esula*, *Hercules Bovii*, *Pilule lunares*, quarum Descriptionem communicat Willis *Pharm. Ration. part. 2. Sect. 2. cap. 3. p. m. 161.* Recensita hæc vomitoria licet nonnullis tanquam summè proficua laudentur; Licet etiam Forestus *Lib. 19. Obs. 32.* habeat historiam Hydropici vomitu curati, mihiq; vomitionibus, cum primis in mari institutis, hydropem propulsam fuisse narrarit Dn. Doebelius *P. P. Med. in Acad. Rostoch. Cl.*, magnâ tamen hic opus cautione, neq; de vomitoriis cogitandum, nisi & virium robur & humores suâ sponte sursum vergentes, propensioq; ad vomendum ea svadeant.

## XXI.

Catharsin *κτώ* promovent *Mecboacanna*, *Jalappa*, *gummigutta*, *Soldanella*, *gratiola*, *Sambucus*, *Ebulus*, *Fl. Persic. Elæterium*, *Ξριυ Dulc. Ξριυ cum ☉ præcip. Hartmanni*, *Crocus Metallorum*, *Turbit Minerale Sc.*, ex quibus ritè præparatis multa tum Officinalia, tum Magistralia crebrò sunt in usu. Formulæ remediorum passim & faciles sunt repertu in Practicorum Libris, iis capitibus, quibus de Hydrope agunt, unde nullo negotio depromi possunt. Observarunt tamen Practici, non tantum emolumentum purgantia in curando Ascite præstare, quantum vulgò creditur, præsertim ubi is fuerit consummatus, & aqua in abdominis cavitate jam fluctuet; neq; enim rationi congruere videtur, quæ excernendis tantum, non verò imbibendis humoribus à naturâ apta sunt fabricata. Vires etiam ut plurimum debiles, fortiora ista purgantia, quibus communiter utuntur, non ferunt; hinc ut plurimum obtinet illud *Persii. Satyr. 3.*

*Helleborum frustra cum jam cutis agra tumebit  
Pescentes videas.*

Quatenus tamen serum in cavitatem ventris ulterius elapsurum,  
evacuant, non penitus improbanda.

XXII.

Diaphoresin, Diuresin, insensilemq; transpirationem quæ  
adjuvant Medicamenta, magno itidem numero prostant in Li-  
bris Practicorum, ut propterea operæ pretium non videatur eorum  
prolixiore transcriptione pagellas has implere. In delectu illo-  
rum temperiora meritò præferimus.

XXIII.

Ceterum accuratam considerationem merentur, quæ circa  
usum horum omnium annotavit vir Stupendi Judicii Willisus  
*Pharm. Ration. part. 2. Sect. 2. c. 3.*, ubi cuncta hæc remediorum  
genera rarò prodesse, obesse frequentius non dicit tantum, sed  
etiam probat; rejiciens insuper *balnea, fots, linimenta*, ut quæ  
laborantibus in deterius semper cedant; Sc. in quantum Sangvi-  
nem agitatam & fuscum, serum copiosius in ventrem deponere  
faciunt, quinimò & vasorum ora magis laxant aperiuntq; ut aqua  
è massâ sanguinea abscedere apta, promptius exstillet. Remedia  
cum fructu hic exhiberi solita illi sunt soli *Clysteres & Emplastra*.  
Clysteres, quatenus absquè sanguineæ massæ fusione serum è va-  
sis & glandulis intestinorum ac Mesenterii proliciunt, quæ sic  
inanita lymphas extravasatas aliquantulum imbibunt, fibras etiam  
intestinales vellicando serum à sanguine imbibitum, aut in eò  
prius contentum versus renes prolestant. Clysteris formula, quâ  
ille usus sæpè felicissimè, talis est.

℞.

*Urin. Homin: sani vinum bibentis ℥j.*

*Terebinth: Venet: c. vitell. ovi solut. ℥jss.*

*Sal. Prunell: ℥jss. Fiat Enem:*

Emplastra profunt, quatenus virtute quadam restrictiva & con-  
fortativa viscera corroborant, vasorumq; ora, de serositates ex-  
spuant nimis, constringunt; Commendatur in hunc finem *Em-  
plastrum de bacc. laur. Diasaponis, &c.*


XXIV.

Dietam exactam strictamq; uno ore injungunt hic omnes,  
cum



cum vix effatu quid dignum remediis etiam præsentissimis effe-  
cturus sit Medicus, nisi æger exactissimam simul victus rationem  
observet. Nos satis commodam putamus quam præscribit  
Præceptor V. Epidem. XXVII. 3. his verbis: ὕδρωπιώδεα δέον τα-  
λαπῶρεϊν, ἰδεῖν, ἄρτον ἐστῆν θερμὸν ἐν ἐλαίῳ, πίνειν μὴ παλὸν,  
λάεσθαι κατὰ κεφαλὴν χλιηῶς. Οἶνον δὲ λευκὸς καὶ λεπτὸς καὶ  
ὑπὸν ἀρήγει. *Hydropicum laboribus fatigari oportet, su-  
dare, panem edere calidum oleo intinctum, non multum bibere,  
caput tepidè lavari. Vinum autem album, & tenue, & Som-  
nus auxiliatur.* Merentur legi, quæ ad hunc textum annotavit  
Doctis. Foësius. Conferri etiam possunt, quæ habet Hippocra-  
tes de Affection. XXIII. 15. de victu ucut. LXII. 3. Nos solum hic  
abrupimus, DEO O. M. pro omnibus, quibus affecit nos hæte-  
nus beneficiis gratias agentes, quas possumus maximas.  
Illi sit Laus, Honor & Gloria in secula!





*Depositi in Nota, quomodo illud mensurandum in rationem  
animae ab in corpore vegetabilium, in quomodo generatur  
liberis spiritibus liberis.  
regni Regni ministrorum  
& in perfectis  
est ad naturam, in*

1. X. 14



864700 **Bibliotheca** 13000 J.  
**P.P. Camaldulensium in Bielany**

Depozyt w Bibliotece Jagiellońskiej



09337

*Notis*

*lumen  
regni  
valerius*

receptis  
no potestate dispensare sine Carta?

Quid non utroque recipere? quid est veritas pro  
mumme et volentes in eo Robertus primo caetera, ita si  
in omni illum quem vultis omnes in regnum, ipse  
cum ipso dispensat. — in non se 610000 ante 820000

ad J. Bernardi

si necessitas impedit, ex necessitate dispensat ipse  
alio facultas potest, dispensatio laudabilis est,  
cum nihil horum est, non potest facultas dispensatio,  
sed conditio dispensatio est.

quod si conditio est de potestate vel potestate  
centi nolunt remanere reseratum. —  
causa potestatem.

M